

DUAL MONTEREY RANCH

Simplemente e mihor Ranch!



HEALTHY
LIVING
CLUB

DISCOVER "YUDA BO MES Y YUDA UN OTRO" y participa den campanja di "HEALTHY LIVING CLUB"



Simplemente e mihor manera

Segun Ruben Trapenberg

Pakico Aruba ta hinca den un situacion dificil cu e caso Natalee

ORANJESTAD(AAN) Mi kier ilustra pakico Aruba ta hinca den e situacion dificil cu e caso di e dama perdi Natalee Holloway, mira for di un angulo di relacionnan publico. E motibo real cu ainda e caso aki ta interesante for di e punto di bista di television ta simpel, e caso aki ta hala ratings esta hopi hende kier mira e desenlace di e caso aki y pesey a tuma un interes personal den e caso y ta sigui cada detaye.

Nos a haya nos mes den e situacion aki simplemente pa motibo di falta di informacion na comienso y falta di conocimiento di con pa atende cu prensa internacional den un caso cu embergadura internacional. Pa bay directo al grano nos ta den e situacion aki pa motibo di falta di informacion for di e fuente corecto den e caso aki di e fuente judicial. Sea cu e ta un hende di Cuerpo Policial of di Openbare Ministerie, e caso aki mester tin un cara di

un autoridad riba e caso aki y preferibel un solo cara. Tin un ley no skirbi den e mundo di informacion, esta cu si bo no duna informacion, un otro lo yene pabo y den e caso aki nan (Prensa Mericano) a yene cu teoria, nan di, redó, rumor, suposicion y speculation. Mirando e situacion dificil aki cu nos a haya nos mes aden y mirando nos pais y con nos institucionnan tabata wordo ridiculisa na nivel internacional, varios lider den nos comunidad,

Gobierno y otro profesionalnan a dicidi di bula aden pa yena e bashi cu informacion corecto di nos pais, pero esaki realmente no tabata nos trabao, nos no ta investigador ni polis. Den comienso, Sra. Vivian van der Biezen y Mary-Ann Croes di Openbare Ministerie a haci excelente trabao pa duna informacion, pero realmente esnan cu mester a haci e trabao ey tabata Señor Van der Straten of Sra. Janssen, kendenan a purba

pero hopi biaha door di nan trabao pisa no tabata por cu e avalancha di prensa. Naturalmente nan tin nan trabao pisa di haci investigacion y no por perde tempo door di duna entrevista henter dia, dus loke mester a haci ta pone un (1) conferencia di prensa regular pa dia tur dia na e mesun ora, esey ta comproba cu ta evita speculation. Ora no tin nada nobo pa presenta ta cancel e conferencia y ora tin desaroyo urgente ta yama un conferencia. Dus e directie di ambos departamento legal tin cu tuma e paso aki pero solamente ora ta trata algo cu embergadura internacional y cu consecuencia nacional, den otro situacionnan local e voceronan ta handle e situacion. Esaki no ta nifica cu e voceronan no por cu

Sigui lesa Pg. 37

Continuacion pagina 36

prensa internacional, nan a demostra cu nan por, pero mirando e embergadura di e caso aki e informacion den e caso aki mester sali di esnan

cu ta lideriza e investigacion. Nos no ta papiando di duna informacion interno di e investigacion cu por tin consecuencia legal pa e caso

sino di informacionnan rond di loke ta pasando, e detayenan chikito.

E hecho cu Openbare Ministerie a dicidi di duna informacion skirbi so na dado momento ta bon pa e investigacion pero malo pa e

number internacional di Pais Aruba.

Demostracionnan

Pa loke ta ponemento di demostracionnan semper nan ta origina cu e bon intencion di un of otro persona, pero e realidad ta cu prensa

internacional no ta bisa loke abo kier, nan ta raporta loke nan kier esta, si nos tuma e prome demostracion como ehempel, e intencion tabata pa pone prensa respeta nos sistema hudicial, pero loke nan a raporta ta cu Arubianonan no kier mira nos (prensa) aki. Algun a raporta cu Arubianonan no kier mira Mericano mas y asina por sigui menciona e raportahenan negativo.

Hopi di nos ta pensando cu e storia aki a cuminsa muri, pero internacionalmente e ta keto bay e caso cu mas atencion ta hala. Ni e atake terorista na Londres y ni e Horcan Dennis a lanta sintonia (ratings) na television mericano manera e caso aki, pues nan no ta bay di aki. Algun hende a puntra dicon Gobierno no ta saca prensa di aki, esaki simplemente no por pasobra nos ta un pais democratico na unda nos tin libertad di prensa y libertad di expresion, nos no ta Cuba. Pues aunke cu nos no gusta loke nan ta raporta, nos tin cu coopera lo maximo posibel pa mustra e pueblo Mericano cu aki no tin nada inusual cu e ta un caso lamentabel pero algo isola, hendenan simplemente no ta disparce di nos pais y cu nos autoridadnan ta hende competente, profesional y cu nos tin un sistema hudicial cu semper a funciona.

Conclusion: Si nos a comunica efectivamente desde un comienso nos imagen internacional lo no a sufrí daño of por lo menos e lo tabata bao control, corda

cu ora prensa kier informacion di e caso, no ta momento pa bay papia di nos turismo, sino autoridadnan competente mester a comunica loke nan tabata haci.

Di un otro banda ban evita demostracion pa nos no duna prensa internacional material pa bati nos cune y na esnan cu ta na cabes di e investigacion di e caso aki, encarecidamente nos ta pidi favor considera loke ta menciona den e articulo aki, e number di nos Pais y futuro di nos yiunan ta den wega.